



UNIVERSITÄTS-
BIBLIOTHEK
PADERBORN

**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

González Téllez, Emanuel

Francofurti Ad Moenum, 1690

Capvt XVIII. Idem a Ausonen. Episcop.

[urn:nbn:de:hbz:466:1-74544](https://nbn-resolving.org/urn:nbn:de:hbz:466:1-74544)

per testes præscriptio sit probata, de communi f. n. cõsilio diffinivimus sententialiter, quod Eveshamen. cœnoqium liberum est in capite, tanquam ab Episcopali jurisdictione prorsus exemptum, & soli Rom. Pontif. & Ecclesiæ Rom. subiectum; tutelâ tamen ipsius Cantuar. Archiep. reservata; in membris autem, videlicet in his, quæ non probantur exempta, diocesano Episc. ipsum decernimus subjacere, propter quæ Abbas ad Synodum ejus debet accedere, primumque locum post V Vigornien. Episcopum obtinere: pro ipsis quoque membris, ut diximus, non exemptis, idem Abbas tenetur V Vigornien. Episc. exhibere reverentiam, obsequium, & honorem, quibus V Vigornien. Episcop. sibi competenter exhibitis debet manere contentus.

NOTÆ.

1. a **E** *Vasinen.*) Ita legitur in tertia collectione, *sub hoc tit. cap. 7.* in hac verò sextâ legitur, *Evesham.* sed utrobique malè, quia legendum est *Evesham.* quod monasterium est Divi Benedicti, ut probavi in *cap. 3. de in integr. restit.*
 b *Gladus bis acutus.*) Verba sunt capitis 1. Apocalypsis, quæ exponit Barbofa in *presenti.*
 c *Vigornien.*) De Wigornien. diocesi Angliæ nonnulla adduxi in *cap. nostri o. de elect.*
 2. d *Resideret.*) De ordine sedendi Prælatorum in Conciliis latè agit Fîleficus in *cap. quod sedem, §. 1. de officio ordin.* etiam aliqua notavi in *princip. Concil. liber.*

COMMENTARIUM.

3. **L**icet monasterium exemptum sit principaliter in capite, non ideo ejus membra exempta videntur, ut de monasterio Rothonen. & ejus Ecclesiis decrevit idem Innoc. III. *lib. 1. registr. 13. epist. 7.* Episcopo Venetensi ita rescribens. (Cum movisses olim adversus Rothonen. monasteriũ quæstionem, asserens monasterium ipsum, ac parochiales Ecclesias ejus ad te de communi jure spectare, utpote in tua diocesi constitutas, in eis-

dem jura tibi Episcopalia vindicando; & ex parte monasterii diceretur, idem monasterium cum parochialibus Ecclesiis suis Romanorum Pontificum privilegiis ab antiquo libertate donatum, super eadem causâ frequenter fuerunt literæ Apostolicæ impetratæ. Denique autem utraque pars in venerabiles fratres nostros Nanneten. & Briocen. Episcopos sub certâ penâ, & juramento interposito compromisit, qui rationibus utriusque partis auditis, & monasterii privilegiis diligenter inspectis, de Concilio peritorum illud in capite liberum sententialiter decreverunt. Verum quia Ecclesiæ parochiales ipsius exemptæ nullatenus probabantur, pronuntiaverunt eodẽ ad jurisdictionem tuam, sicut alias tuæ diocesis Ecclesias, pertinere, & statim de consilio fratrum nostrorum pronuntiavimus, monasterium sapeditum in capite liberum, & à tua jurisdictione prorsus exemptum, decernentes parochiales Ecclesias ejus, quæ minimè probantur exemptæ, tibi diocesana lege subiectas. Nec enim ex libertate capituli membrorum nascitur libertas: quæ quia juri communi derogat, nominatim, expresseque dari debet, & nominatim probari.) Ut post congestos à Barb. in *presenti, & alleg. 123.* docet Bolquetus in *notis ad dictam epist. 7.*

CAPUT XVIII.

Idem ^a *Aufonen. Episcop.*

Ex parte tua fuit quæsitum, utrum clerici, & laici, qui literas protectionis ostendunt, in quibus personæ suæ ex pronomine, cum omnibus rebus suis sub Apostolicâ protectione consistere declarantur, à jurisdictione Episcopi diocessani sint exempti. Nos autem tibi respondemus, quod per literas hujusmodi ab Episcoporum suorum potestate minimè ^b subtrahuntur.

NOTÆ.

1. a **A** *Usonen.*) In tertia collectione, *sub hoc tit. cap. 8.* legitur *Auron.* sed perperam; nam Aufona civitas antiqua Episcopali Sede condecorata est in Hispania, in provincia Taraconensi, ad montis Pyrenæi radices sita, hodie dicitur *Viequa* à Barcinone decem milliariibus Hispanis, à Gerunda sex distans. Ejus vetusti simũ nomen *Ausa*, five *Aufona* fuit, de quo, & ejus conditore agunt Pujadas *lib. 4. hist. Catal. cap. 14. & 34.* Tamayus

^a Salazar *tom. 3. martyrol. Hisp. die 28. Maji.*
^b *Subtrahuntur.*) Consonant textus in *cap. recepimus, hoc tit. cap. per tuas, de majorit. & obed.* Ideoque exemptio non probatur per literas protectionis, quas plerumque Pontifex certis personis, aut monasteriis concedit, ut probat Bruno Chafsaing, *de privil. regul. tract. 2. cap. 2. propos. 1.* qui resolvit, protectionem hanc illud operari, videlicet ut ita receptus sub protectione non possit excommunicari, interdici, aut suspendi ab aliis quàm à Pontifice, aut Legato à latere.

CAPUT XIX.

Idem ^a *Eliensi. Episcopo.*

Pastoralis officii. *Et infra:* Interrogasti præterea, utrum viri religiosi, quibus à Sede Apostolica est indultum, ut Ecclesias suas in proprios usus ^b convertere possent, decedentibus ^c personis earũ, liceat auctoritate propriâ possessiones earundẽ Ecclesiarum